

**Peruntukan Belanjawan Kementerian Pertahanan Untuk Program 2013 Telah Diagihkan
Bernama
5 Februari, 2013**

KUALA LUMPUR, 5 Feb (Bernama) -- Peruntukan belanjawan untuk pelaksanaan program dan aktiviti dirancang Kementerian Pertahanan bagi tahun ini telah diagih pada 18 Jan lepas, kata Menteri Pertahanan Datuk Seri Dr Ahmad Zahid Hamidi.

"Saya percaya dengan jumlah peruntukan yang diterima, setiap program dirancang akan dilaksanakan mengikut keutamaan berdasarkan peruntukan yang telah diluluskan.

"Agihan peruntukan ini pula akan disampaikan segera kepada semua Pusat Tanggung Jawab (PTJ) di bawah kawalan program masing-masing agar mereka dapat melaksanakan aktiviti yang dirancang dalam tempoh yang ditetapkan," katanya. ketika berucap pada perhimpunan bulanan kementerian, di sini Selasa.

Sehubungan itu, Ahmad Zahid meminta setiap perbelanjaan yang dibuat mematuhi peraturan kewangan yang ditetapkan selaras dengan perbelanjaan berhemat.

-- BERNAMA

Copyright © 2013 BERNAMA

Source: <http://www.bernama.com/bernama/v6/bm/newsindex.php?id=926354>